

Nasional

ISLAND MEDICAL CITY HUB PERUBATAN PERTAMA NEGARA



Chow Kon Yeow

GEORGETOWN - Island Medical City (IMC) di Lebuh Raya Peel dan Jalan Pierce di sini bakal menjadi hub perubatan pertama di Malaysia, lengkap dengan peralatan perubatan yang canggih dan kemudahan penjagaan tertiar terbesar dan terancang di Pulau Pinang.

Ketua Menteri, berkata, pembangunan IMC merangkumi perluasan kemudahan perubatan semasa di Island Hospital yang terdiri daripada pusat perubatan dengan 600 katil, "suite" perubatan serta hotel pelancongan perubatan sebagai sebahagian daripada kemudahannya.

"Sebagai salah satu pusat pelancongan perubatan terbesar di Asia Tenggara, projek ini akan menyediakan lebih 2,000 peluang pekerjaan kepada rakyat Pulau Pinang," kata beliau.

"Pakar perubatan, terutama mereka yang mengamalkan profesion itu di seberang laut, kini mempunyai alasan untuk kembali ke tanah air untuk berkhidmat di Pulau Pinang. Ini peluang terbaik untuk menarik pakar yang telah meninggalkan negara," katanya dalam ucapannya pada upacara pecah tanah projek pembesaran Island Hospital, di sini hari ini.

Jumlah projek dengan nilai pembangunan kasar hampir RM2 bilion, akan mengambil masa lima tahun untuk siap dengan fasa pertama dijangka siap pada awal 2021.

Kon Yeow berkata, nilai ekonomi projek itu dijangka melebihi RM7 bilion yang manfaatnya meliputi industri lain, dan mewujudkan kemajuan yang mampan untuk Pulau Pinang.

Sementara itu, ketika ditanya mengenai empat bangunan di kawasan tanah yang dikategorikan sebagai bangunan warisan Kategori II di bawah senarai bangunan warisan negeri, Kon Yeow berkata bangunan itu dirobuhkan dengan kelulusan Majlis Bandaraya Pulau Pinang (MBPP).

Pada Jun tahun lepas, bekas Ketua Menteri Lim Guan Eng mengumumkan bahawa kerajaan